



UNIVERSITÄTS-
BIBLIOTHEK
PADERBORN

**Amor Deiparæ Virginis Mariæ; Petri Antonii Spinelli
Neapol. Societ. Iesv**

**Spinelli, Pietro Antonio
Coloniæ Agrippinæ, 1620**

Preces, quæ pro cuiusq[ue] pietate recitari possunt, num. 8.

[urn:nbn:de:hbz:466:1-60948](https://nbn-resolving.org/urn:nbn:de:hbz:466:1-60948)

II.

PRECES, QUÆ PRO CUIUS-
que pietate recitari possunt.

*De priua-
tis precib⁹
in honorē
Virg. per
soluendis.*

*Mane, &
vesperi B.
Virgo in-
uocanda.*

*Albertus
Magnus.*

8 **S**ECVNDÒ, priuatae preces, quæ pro vniufcuiusque deuotione in Virginis honorem funduntur: vtilissime sunt, præsertim, si precibus voce prolatis aliquod mentis exercitium addatur, gratias Virgini pro acceptis ab ea beneficijs agendo: nosque ipsos illi in seruos offerendo, & aliqua ab ea enixius petendo quòd exercitium quotidie mane, cum surgimus, & vesperi ante cubitum fieri deberet, vt pietas erga Virginem iugiter accendatur, eiusque suffragium, in quotidianis necessitatibus inuocetur; formulam huius exercitij, quàm facile quiuis ex se facere posset, ad maiorem lectorum facilitatem, mox subijciendâ duximus. Sanè Albertus magnus ab inuente ætate (vt ex Chronicis Fratrum Prædicatorum diximus cap. 36.) quotidie certas preces tanquam obsequij sui pensum Deiparæ persoluens, eius patrocinium inuocabat, suæque pietatis fructum amplissimum reportauit.

TRIA

TRIA GENERA PRIVATA-
rum, precum.

AD has porro priuatas ad Deiparam
preces multa reuocari possunt.

Primum, vt mane statim ac surgimus,
& vesperi antequam nos cubitum reci-
piamus illi nos, nostrasque sedulo com-
mendemus.

Alterum, vt cum domo siue egredi-
mur, siue reuertimur: eius patrocini-
um enixe imploremus.

Demum, vt in eius templis coram eius
Imaginibus illi preces fundamus, vel
aliqua alia oblata occasione, salutatione
Angelica vel alia precatiuncula eam re-
uertenter inuocare studeamus, verum
de his omnibus aliquid subiiciamus.

(Nota quod in Praxi hæc in septem
genera diuidantur.)

I.

RATIO COMMENDANDI SE
Beatissima Dei Genitrici, tum
mane, tum vesperi.

9 **M**ANE cum primum surgimus, Pa-
ter noster, & Ave Maria. Deinde
aliqua ad B. Virginem precatio, eiusmo-
di est sequens, quæ ex officio paruo B.
Virginis est desumpta.

Offic. Eccl.

P 3

O.R.A.

ORATIO.

O Domina mea sancta Maria, me in tuam benedictam fidem ac singularē custodiam, & in sinum misericordiae tuae hodie, & quotidie, & in hora exitus mei, animam meam, & corpus meum tibi commendo; omnem spem meam, & consolationem meam, omnes angustias, & miseras meas, vitam, & finem vitae meae tibi committo; ut per tuam sanctissimam intercessionem, & per tua merita omnia mea dirigantur, & disponantur opera secundum tuam, cuius filij voluntatem, Amen. Sancta Maria succurre miseris, iussa pusillanimes, reuocae flebiles, ora pro populo, interueni pro clero, intercede pro deuoto famineo sexu, sentiant tuum ius inueni quicumque celebrant tuam sanctam commemorationem.

Verf. Ora pro nobis sancta Dei Genitrix.

Resp. Ut digni efficiamur promissionibus Christi.

Offic. Eccl.

MARIA Mater gratiae,

Mater misericordiae,

Tu nos ab hoste protege,

Et hora mortis suscipe.

Gloria tibi Domine,

Qui natus est de Virgine,

Cum Patre, & sancto Spiritu,

In sempiterna saecula, Amen.

Deinde

Deinde primò, gratias agam de cunctis beneficijs tum generalibus, quæ cum alijs communia sunt, quòd scilicet Christum nostrum redemptorè genuerit, & similibus tum etiam de particularibus, & occultis, quæ illa mihi à Christo impetrauit, præcipuè verò de ijs, quæ peculiariter intelligo, me ipsius intercessione obtinuisse.

Secundò, totum illi me tradam, atque in seruum offeram, orans, vt mei patrocinium, tutelamque suscipere, meque suo præsidio munitum, ab omnium animæ, tum corporis periculo tueri dignetur.

Tertiò, aliquot beneficia pro me, cæterisque proximis petam, præsertim vt mihi a suo filio profundam Humilitatem, purissimam Castitatem, flagrantem erga Christum amorem, & in recto virtutis itinere profectum, ac perseverantiam impetret, & vt ab omni peccato, præsertim mortali efficaciter caream: præterea aliquid illius mihi doloris impertiat, quem ex filij Cruciatibus hausit, iuxta illud Bernardi de Bernard.
lamentat. *Viginis, Mihi, obsecro, Lacrymas illas infunde, quas ipsa habuisti in tua passione; Præparationis etiam, atque ardoris animi, scintillam, qua sacram*
P 4 Eucharisti-

Eucharistiam post filij in cœlum Ascensionem sumebat. Denique augmentum deuotionis, & affectus erga eandem sanctissimam Virginem. Hęc autem beneficia per septem eius gaudia, doloresque totidem peram, quibus est affecta, dum in terris uiueret. finem denique faciam ipsius benedictionem rogando illis verbis: *Nos cum prole pia benedicat Virgo Maria. Amen.*

VESPERI ANTE CVBITVM
ad eandem sanctissimam Virginem
Dei Genitricem.

Ratio cō- **P**ATER noster, Aue Maria. Deinde
mendandi sequens, vel alia precatio. Hęc uerò
se Virgini desumpta est ex Officio paruo Beatę
ante eam. Virginis.

um. O Maria Dei Genitrix Virgo gratiosa
Offic. Eccl. omnium desolatorum ad te clamantium
consolatrix vera per illud magnum gau-
dium, quo consolata es, quando cognouisti
Dominum Iesum die tertia à mortuis im-
passibilem resurrexisse, sis consolatrix ani-
ma mea, & apud eundem tuum, ac Dei
naturum Unigenitum in die nouissimo, quan-
do cum anima, & corpore ero resurre-
cturus, & de singulis meis factis rationem
redditurus, me digneris iuuare, ut perpe-
tua